



SLUŽBENI GLASNIK

UNSKO-SANSKOG KANTONA

Godina XI - Broj 13

5. jula 2007.
BIHAĆ

Izdanje na bosanskom
jeziku

211.

Na osnovu člana 11. o) odjeljka A poglavlja V Ustava Unsko-sanskog kantona ("Sl. glasnik Unsko-sanskog kantona, broj 1/04 i 11/04), a u vezi sa članom 17. Zakona o prostornom planiranju i korištenju zemljišta na nivou Federacije ("Sl. novine FBiH", broj 2/06) i člana 95. (1) odjeljka VI Poslovnika Skupštine Unsko-sanskog kantona ("Sl. glasnik Unsko-sanskog kantona", broj 5/04), Skupština Unsko-sanskog kantona, na 8. sjednici održanoj 21. juna 2007. godine, donijela je

ODLUKU

I

Pokreće se inicijativa kod nadležnih organa Federacije Bosne i Hercegovine za pokretanje postupka izmjena i dopuna Odluke o utvrđivanju područja sliva rijeke Une područjem od značaja za Federaciju ("Sl. novine FBiH", broj 32/04), i to u dijelu te Odluke kojim se utvrđuju granice područja sliva rijeke Une, a na način, iz razloga i u cilju utvrđenom u Stručnom mišljenju o potrebama za izmjenu granica Nacionalnog parka "Una" Kantonalnog ministarstva za građenje,

prostorno uređenje i zaštitu okoline koje je sastavni dio ove Odluke.

II

Zadužuje se Kantonalno ministarstvo za građenje, prostorno uređenje i zaštitu okoline da osigura i prati izvršenje ove Odluke i u tom cilju ostvari potrebnu saradnju sa nadležnim organima Federacije Bosne i Hercegovine i o realizaciji iste informiše Vladu i Skupštinu Unsko-sanskog kantona.

III

Ova Odluka stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-3-49/07
21. juna 2007. godine
B i h a ć

Predsjedavajući Skupštine
Unsko-sanskog kantona
Admir Hadžipašić, dipl. pravnik

212.

Na osnovu člana 11. f) poglavlja V A Ustava Unsko-sanskog kantona ("Sl. glasnik Unsko-sanskog kantona", broj 1/04 i 11/04), a u vezi sa članom 39. Zakona o izvršavanju Budžeta USK za 2007. godinu ("Sl. glasnik Unsko-sanskog

kantona", broj 6/07), Skupština Unsko-sanskog kantona, na 8. sjednici održanoj 21.6.2007. godine, donosi

ODLUKU

O RASPOREĐIVANJU SREDSTAVA IZ BUDŽETA KANTONA, RAZDJEL 18, EKONOMSKI KOD 821600 - "REKONSTRUKCIJA I INVESTICIONO ODRŽAVANJE ŠKOLA"

I

Sredstva u Budžetu Unsko-sanskog kantona za 2007. godinu ("Sl. glasnik Unsko-sanskog kantona", broj 6/07), razdjel 18, glava 01, potrošačka jedinica 001, ekonomski kod 821600, subanalitika IAX 003, pozicija "rekonstrukcija i investiciono održavanje škola" u planiranom iznosu od 1.700.000,00 KM raspoređuju se na slijedeći način:

a) Škole na području općine Bosanska Krupa (ukupno 230.000,00 KM):

- JU "Prva osnovna škola",
PŠ Pištaline - izgradnja170.000,00 KM
- JU OŠ "Otoka", PŠ Baštra -
nastavak izgradnje30.000,00 KM
- JU OŠ "Jezerski", PŠ Tromeda -
nastavak izgradnje30.000,00 KM

b) Škole na području općine Bosanski Petrovac (ukupno 50.000,00 KM):

- JU OŠ "Ahmet Hromadžić" -
rekonstrukcija
centralnog grijanja25.000,00 KM
- JU "Mješovita srednja škola" -
rekonstrukcija krova25.000,00 KM

c) Škole na području općine Bužim (ukupno 148.000,00 KM):

- JU OŠ "Bužim", PŠ Elkasova
Rijeka - izgradnja74.000,00 KM
- PŠ Lubarda - izgradnja74.000,00 KM

d) Škole na području općine Bihać (ukupno 217.000,00 KM):

- JU OŠ "Harmani II", centralna
škola - rekonstrukcija
sanitarnog prostora15.000,00 KM

- JU OŠ "Kamenica", centralna
škola - rekonstrukcija
sanitarnog prostora15.000,00 KM

- PŠ Vikići -
nastavak izgradnje15.000,00 KM

- PŠ Klokot -
nastavak izgradnje20.000,00 KM

- PŠ Izačić - rekonstrukcija . . .15.000,00 KM

- JU OŠ "Prekounje", PŠ Čavkići -
nastavak izgradnje20.000,00 KM

- JU OŠ "Gata Ilidža - Vrsta", centralna
škola - rekonstrukcija12.000,00 KM

- PŠ Vrsta - nastavak izgradnje .10.000,00 KM

- PŠ Mala Peć - izrada projektne
dokumentacije3.000,00 KM

- JU OŠ "Brekovica", centralna škola
- nastavak rekonstrukcije . . .15.000,00 KM

- PŠ Gornji Srbaljani -
izgradnja15.000,00 KM

- JU OŠ "Kulen-Vakuf - Orašac", PŠ
Orašac - dovršetak grijanja . .15.000,00 KM

- PŠ Čukovi - rekonstrukcija . .15.000,00 KM

- JU OŠ "Gornje Prekounje - Ripač",
PŠ Ripač - nastavak
rekonstrukcije10.000,00 KM

- Projektna dokumentacija za školske sportske
dvorane:

- JU OŠ "Gata Ilidža-Vrsta",
centralna škola Gata3.000,00 KM

- JU OŠ "Brekovica", centralna
škola Brekovica3.000,00 KM

- JU OŠ "Brekovica", PŠ Jezero .3.000,00 KM

- JU OŠ "Kulen-Vakuf - Orašac",
PŠ Orašac3.000,00 KM

- JU "Medicinska škola" -
sportska dvorana10.000,00 KM

- e) Škole na području općine Sanski Most (ukupno
190.000,00 KM):

- JU OŠ "Prva sanska škola" -
rekonstrukcija15.000,00 KM

- JU OŠ "Skender Kulenović" - rekonstrukcija
sanitarnog čvora i dijela
dvorane za tjelesni odgoj25.000,00 KM

- JU OŠ "Skender Kulenović",
PŠ Husimovci - završetak
rekonstrukcije objekta i
završetak školskog igrališta . . .20.000,00 KM
- JU OŠ "Vrhopolje" - rekonstrukcija
centralnog grijanja25.000,00 KM
- JU OŠ "Vrhopolje", PŠ Kijevo - završetak
rekonstrukcije objekta15.000,00 KM
- JU "Gimnazija" - rekonstrukcija
centralnog grijanja20.000,00 KM
- JU "Mješovita srednja škola"- rekonstrukcija
centralnog grijanja20.000,00 KM
- JU SPŠ "Sanus futurum" -
dovršetak sportskog igrališta . .15.000,00 KM
- JU OŠ "Mahala" -
zamjena dijela stolarije15.000,00 KM
- JU OŠ "Hasan Kikić" - rekonstrukcija
centralnog grijanja10.000,00 KM
- JU OŠ "Fajtovci" - rekonstrukcija
centralnog grijanja10.000,00 KM
- f) Škole na području općine Ključ (ukupno
55.000,00 KM):
 - JU OŠ "Ključ" -
centralno grijanje15.000,00 KM
 - JU OŠ "Velagići" -
centralno grijanje20.000,00 KM
 - JU "Mješovita srednja škola" -
centralno grijanje20.000,00 KM
- g) Škole na području općine Velika Kladuša
(ukupno 235.000,00 KM):
 - JU "Prva osnovna
škola" - sanacija10.000,00 KM
 - JU OŠ "Crvarevac", PŠ
Stabandža - rekonstrukcija . . .30.000,00 KM
 - JU OŠ "Sead Čehić" Grahovo -
izgradnja sportske dvorane . .40.000,00 KM
 - JU OŠ "Podzvizd",
centralna škola - rekonstrukcija
centralnog grijanja10.000,00 KM
- PŠ Kumarice -
preuređenje objekta10.000,00 KM
- JU OŠ "Todorovska Slapnica",
PŠ Donja Slapnica -
rekonstrukcija20.000,00 KM
- JU OŠ "Donja Vidovska",
PŠ Johovica -
završetak radova100.000,00 KM
- JU OŠ "1.mart" Vrnograč - rekonstrukcija
centralnog grijanja15.000,00 KM
- h) JU OŠ "Stara škola", Pećigrad, rekonstrukcija
75.000,00 KM
- i) Škole na području općine Cazin (ukupno
500.000,00 KM):
 - JU OŠ "Stijena", PŠ Podgredina -
dovršetak I faze60.000,00 KM
 - JU OŠ "Stijena", PŠ Zmajevac -
dovršetak izgradnje30.000,00 KM
 - JU OŠ "Stijena", PŠ Glogovac -
dovršetak fasade i grijanja . . .20.000,00 KM
 - JU OŠ "Stijena", PŠ Vilenjača -
grijanje i namještaj15.000,00 KM
 - JU OŠ "Gornja Koprivna" -
izmjena stolarije45.000,00 KM
 - JU OŠ "Gornja Koprivna", PŠ Donja
Koprivna - fasada na objektu .15.000,00 KM
 - JU OŠ "Gornja Koprivna",
PŠ Ljubijankići -
izgradnja I faze50.000,00 KM
 - JU OŠ "Tržačka Raštela" -
sanacija centralne škole15.000,00 KM
 - JU OŠ "Šturlić", PŠ Šturlićka Platnica -
projektna dokumentacija10.000,00 KM
 - JU OŠ "Liskovac" -
izmjena stolarije30.000,00 KM
 - JU OŠ "Ostrožac", PŠ Majetići -
projektna dokumentacije10.000,00 KM

- JU OŠ "Skokovi" -
izmjena stolarije45.000,00 KM
- JU OŠ "Cazin I", PŠ Gnjilavac -
rekonstrukcija grijanja15.000,00 KM
- JU OŠ "Pećigrad" PŠ Donja Lučka -
projektna dokumentacija10.000,00 KM
- JU OŠ "Cazin I" -
projektna dokumentacija30.000,00 KM
- JU OŠ "Cazin II" -
nastavak izgradnje70.000,00 KM
- JU "Gimnazija" -
pretvorba zemljišta30.000,00 KM

II

Kantonalno ministarstvo obrazovanja, nauke, kulture i sporta dužno je po usvajanju ove Odluke obavijestiti škole - korisnike o visini odobrenih sredstava za konkretne namjene, kako bi iste mogle poduzeti zakonom predviđene radnje u skladu sa Zakonom o javnim nabavkama ("Sl. glasnik BiH", broj 49/04, 19/05, 52/05, 70/06) za odabir ponuđača za izvođenje predviđenih radova na projektima i na osnovu dostavljenih pojedinačnih programa resornom ministarstvu.

III

Transfer sredstava iz Budžeta Unsko-sanskog kantona za 2007. godinu iz tačke I ove Odluke vršit će se po pravdanju sredstava privremenim situacijama za izvođenje radova, odnosno ispostavljenim računima za plaćanje od strane škola - korisnika prema izvođačima radova, odnosno dobavljačima.

IV

Zadužuje se Kantonalno ministarstvo obrazovanja, nauke, kulture i sporta da formira komisiju koja će pratiti namjenski utrošak sredstava iz tačke I ove Odluke, te u skladu sa članom 48. Zakona o izvršenju Budžeta Unsko-sanskog kantona za 2007. godinu, tromjesečno dostavlja Vladi Unsko-sanskog kantona izvještaje o utrošku istih.

V

Odluka stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-3-50/07
21. juna 2007. godine
B i h a ć

Predsjedavajući Skupštine
Unsko-sanskog kantona
Admir Hadžipašić, dipl. pravnik

213.

Na osnovu člana V A 2. 11. f) Ustava Unsko-sanskog kantona ("Sl. glasnik Unsko-sanskog kantona", broj 1/04 i 11/04), a u vezi sa članom 29. i 48. Zakona o izvršavanju Budžeta Unsko-sanskog kantona za 2007. godine ("Sl. glasnik Unsko-sanskog kantona", broj 6/07), Skupština Unsko-sanskog kantona, na 8. sjednici održanoj 21.6.2007. godine, donosi

ODLUKU

I

Sredstva Budžeta Unsko-sanskog kantona za 2007. godinu ("Sl. glasnik Unsko-sanskog kantona", broj 6/07), razdjel 11, glava 01, potrošačka jedinica 0001, funkcionalni kod 0110, ekonomski kod 614100- subanalitika BAL 001, pozicija "Grant općinama" u ukupnom iznosu od 3.000.000,00 (tri miliona KM) raspoređuju se po općinama kako slijedi:

1. Grad Bihać200.000,00 KM
2. Općina Bosanska Krupa450.000,00 KM
3. Općina Ključ400.000,00 KM
4. Općina Velika Kladuša260.000,00 KM
5. Općina Cazin630.000,00 KM
6. Općina Sanski Most400.000,00 KM
7. Općina Bosanski Petrovac . . .200.000,00 KM
8. Općina Bužim460.000,00 KM

II

Sredstva iz tačke I ove Odluke koristit će se za kapitalne investicije na području općina Unsko-sanskog kantona u predviđenim iznosima na osnovu dostavljenih programa od strane općina putem resornog ministarstva kojeg odredi Vlada Kantona.

ODLUKU**O DAVANJU SAGLASNOSTI NA
ODLUKU O RASPODJELI DOBITI U ŠPD
"UNSKO-SANSKE ŠUME" d.o.o. BOS.
KRUPA U PERIODU 1.1.2006-
-31.12.2006. GODINA****I**

Iskazana dobit u visini od 2.148.922,00 KM (dva miliona stotinu četrdeset osam hiljada devet stotina dvadeset dvije KM) u ŠPD "Unsko-sanske šume" d.o.o. Bosanska Krupa za period 1.1.2006 - -31.12.2006. godina raspoređuje se kako slijedi:

1. Dio dobiti u iznosu od 1.079.461,00 (milijon sedamdeset devet hiljada četiri stotine šezdeset i jedna KM) raspoređuje se za rezervu;
2. Dio dobiti u iznosu od 874.461,00 KM (osam stotina sedamdeset četiri hiljade četiri stotine šezdeset i jedna KM) raspoređuje se za namirenje dijela kapitala utrošenog za pokriće gubitaka iz 2005. godine;
3. Dio dobiti u iznosu od 100.000,00 KM (stotinu hiljada KM) raspoređuje se u korist Biotehničkog fakulteta Univerziteta u Bihaću koja bi se realizovala uz odgovarajuće projekte i nadzor Kantonalnog ministarstva poljoprivrede, vodoprivrede i šumarstva u cilju unapređenja uslova rada ove visokoškolske ustanove i dalju suradnju sa ŠPD "Unsko-sanske šume" d.o.o. Bosanska Krupa;
4. Dio dobiti u iznosu od 95.000,00 KM (devedeset pet hiljada KM) raspoređuje se za donacije koje će ŠPD "Unsko-sanske šume" d.o.o. Bos. Krupa realizovati shodno Zakonu o donacijama.

II

Ova Odluka stupa na snagu narednog dana od dana objavljivanja u "Službenom glasniku Unsko-sanskog kantona".

Broj 01-02-3-54/07
22. juna 2007. godine
B i h a ć

Predsjedavajući Skupštine
Unsko-sanskog kantona
Admir Hadžipašić, dipl. pravnik

216.

Na osnovu člana 98. Poslovnika Skupštine Unsko-sanskog Kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 8. sjednici održanoj 21. i 22.6.2007. godine, donijela je slijedeći

ZAKLJUČAK**I**

Prihvata se Informacija o stanju i kretanju bruceloze na području Unsko-sanskog kantona u 2007. godine, s prijedlogom mjera kako slijedi:

1. zadužuje se Ministarstvo poljoprivrede, vodoprivrede i šumarstva da hitno, a najkasnije u roku od sedam dana, pronađe lokaciju za neškodljivo uklanjanje reaktora na području Unsko-sanskog kantona;
2. da se uvedu mjere pooštrene kontrole prometa životinja (uz obavezno posjedovanje Uvjerenja o zdravstvenom stanju životinja) - inspekcija;
3. da sve općine koje to nisu izvršile donesu Veterinarsko-zdravstveni red po kojem posluju stočne pijace- općine;
4. da se uvedu mjere pooštrene kontrole stočnih pijaca i drugih mjesta gdje se vrši promet životinja -inspekcija;
5. da se provedu mjere pooštrene kontrole životinja prevoznim sredstvima - Ministarstvo unutrašnjih poslova;
6. da se nastave dijagnostička ispitivanja ovaca u neposrednoj blizini ljudi, a prema planu koji je dostavilo Ministarstvo poljoprivrede, vodoprivrede i šumarstva veterinarskim organizacijama;
7. da veterinarske organizacije što hitnije dostave imena lica koja će vršiti obuku poljoprivrednih proizvođača, te da JU Veterinarski zavod napravi plan edukacija po općinama Unsko-sanskog kantona - veterinarske organizacije kroz Vetrinarski zavod;
8. da se aktiviraju općinski štabovi CZ na poslovima popisa životinja i neškodljivog uklanjanja reaktora - općine i općinski štabovi CZ;

9. da se Kantonalna inspekcija što hitnije opremi materijalno i kadrovski da bi mogla adekvatno obavljati ovaj obim zadataka - direktor Kantonalne uprave za inspekcijske poslove/ Vlada Unsko-sanskog kantona;
10. da se aktivno provode mjere DDDA na području Unsko-sanskog kantona - Kantonalno ministarstvo zdravstva i socijalne politike;
11. da se povede računa o zbrinjavanja pasa i mačaka lualica na području općina u okviru poslova komunalne higijene - općine;
12. da se apelira na vlasnike životinja da se prijave u općinske poljoprivredne službe i veterinarske organizacije i da su vlasnici životinja dužni maksimalno surađivati s nadležnim veterinarskim službama u provođenju mjera suzbijanja bruceloze - vlasnici životinja;
13. da sve općine postupe po Uputstvu o oglašavanju na nivou lokalne zajednice, a u vezi sa uputama Federalnog ministarstva poljoprivrede, vodoprivrede i šumarstva o vršenju registracije poljoprivrednih proizvođača i popisa životinja koje se nalaze u neposrednoj blizini naselja i u naseljima - općine;
14. da veterinarske stanice i veterinarske inspekcije postupaju po propisanoj proceduri otkrivanja i suzbijanja bruceloze na US kantonu (veterinarska stanica - Kantonalna inspekcija - Federalna inspekcija - Kantonalno ministarstvo poljoprivrede, vodoprivrede i šumarstva - vlasnik - komunalna služba - eutanazija - Federalno ministarstvo poljoprivrede, vodoprivrede i šumarstva);
15. utvrđivanje nižih cijena komunalnih usluga za neškodljivo uklanjanje zaraženih životinja.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-67/07 Predsjedavajući Skupštine
22. juna 2007. godine Unsko-sanskog kantona
B i h a ć **Admir Hadžipašić**, dipl. pravnik

217.

Na osnovu člana 98. Poslovnika Skupštine Unsko-sanskog Kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 8. sjednici održanoj 21. i 22.6.2007. godine, donijela je slijedeći

ZAKLJUČAK

I

Zadužuje se Vlada Unsko-sanskog kantona i Kantonalno ministarstvo finansija da prilikom primjene Odluke o raspoređivanju sredstava općinama za 2007. godinu kod isplate Općini Bužim umanje odobreni iznos za 100.000,00 KM i usmjere za izgradnju lokalnog puta Varoška Rijeka-Račići.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-52/07 Predsjedavajući Skupštine
22. juna 2007. godine Unsko-sanskog kantona
B i h a ć **Admir Hadžipašić**, dipl. pravnik

218.

Na osnovu člana 98. Poslovnika Skupštine Unsko-sanskog Kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 8. sjednici održanoj 21. i 22.6.2007. godine, donijela je slijedeći

ZAKLJUČAK

I

Usvaja se Izvještaj o izvršenju Budžeta Unsko-sanskog kantona za 2005.godinu.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-55/07 Predsjedavajući Skupštine
22. juna 2007. godine Unsko-sanskog kantona
B i h a ć **Admir Hadžipašić**, dipl. pravnik

219.

Na osnovu člana 98. Poslovnika Skupštine Unsko-sanskog Kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 8. sjednici održanoj 21. i 22.6.2007. godine, donijela je slijedeći

ZAKLJUČAK**I**

Usvaja se Konsolidovani izvještaj o izvršenju Budžeta Unsko-sanskog kantona za period 1.1.2006-31.12.2006.godina.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-56/07 Predsjedavajući Skupštine
22. juna 2007. godine Unsko-sanskog kantona
B i h a ć **Admir Hadžipašić**, dipl. pravnik

220.

Na osnovu člana 98. Poslovnika Skupštine Unsko-sanskog Kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 8. sjednici održanoj 21. i 22.6.2007. godine, donijela je slijedeći

ZAKLJUČAK**I**

Usvaja se Izvještaj o radu i poslovanju ŠPD "Unsko-sanske šume" d.o.o. Bosanska Krupa za period 1.1.2006 - 31.12.2006. godina, s finansijskim izvještajima ŠPD "Unsko-sanske šume" d.o.o. Bosanska Krupa za period 1.1.2006 - 31.12.2006. godina.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-57/07 Predsjedavajući Skupštine
22. juna 2007. godine Unsko-sanskog kantona
B i h a ć **Admir Hadžipašić**, dipl. pravnik

221.

Na osnovu člana 98. Poslovnika Skupštine Unsko-sanskog Kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 8. sjednici održanoj 21. i 22.6.2007. godine, donijela je slijedeći

ZAKLJUČAK**I**

Obavezuje se Vlada Unsko-sanskog kantona da u što kraćem vremenskom periodu pripremi strategiju razvoja regionalnih i lokalnih cesta na području Unsko-sanskog kantona.

II

Ovaj Zaključak objavit će se u "Službenom glasniku Unsko-sanskog kantona".

Broj 01-02-4-58/07 Predsjedavajući Skupštine
22. juna 2007. godine Unsko-sanskog kantona
B i h a ć **Admir Hadžipašić**, dipl. pravnik

222.

Na osnovu člana 98. Poslovnika Skupštine Unsko-sanskog Kantona ("Službeni glasnik Unsko-sanskog kantona", br. 5/04), Skupština Unsko-sanskog kantona, na 8. sjednici održanoj 21. i 22.6.2007. godine, donijela je slijedeći

ZAKLJUČAK**I**

Obavezuje se Direkcija za ceste Unsko-sanskog kantona da će sredstva iz suficita Budžeta Unsko-sanskog kantona za 2007. godinu obezbijediti za slijedeće:

- 200.000,00 KM – asfaltiranje deformacije kolovoza na putu R-403a, Ulica 5. korpusa (mostić - raskrsnica kod Crve sv. Ante Padovanskog u Bihaću);
- 150.000,00 KM – put R-400, regionalni put u mjestu Skokovi–Krakača i
- 200.000,00 KM – put R-401b, Cazin–Konjodor–Bužim.

227.

Na osnovu člana 17. Zakona o Vladi Unsko-sanskog kantona ("Službeni list Unsko-sanskog kantona", broj 2/97, "Službeni glasnik Unsko-sanskog kantona", broj 3/2000, 5/2000, 3/2003 i 20/2004), a u vezi sa članom 123. stav 3. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03 i 22/06) i po prijedlogu Kantonalne uprave civilne zaštite, Vlada Unsko - sanskog kantona, na sjednici održanoj dana 27.6.2007. godine, donosi

UREDBU**O NAČINU ORGANIZOVANJA SLUŽBI
ZAŠTITE I SPAŠAVANJA UNSKO-
-SANSKOG KANTONA****I - OSNOVNE ODREDBE****Član 1.**

Ovom Uredbom određuju se pravna lica i udruženja građana u kojima se organizuju službe zaštite i spašavanja koje će djelovati na području Unsko-sanskog kantona (u daljnjem tekstu: Kanton), utvrđuju zadaci tih službi i uređuju druga pitanja od značaja za organizaciju i rad tih službi.

Član 2.

U cilju stvaranja uvjeta da se u svim slučajevima nastanka prirodne ili druge nesreće na bilo kom dijelu područja Kantona može obezbijediti odgovarajuća zaštita i spašavanje ljudi i materijalnih dobara, formiraju se službe zaštite i spašavanja na nivou Kantona.

U skladu s ciljevima iz stava 1. ovog člana, a prema Procjeni ugroženosti Unsko-sanskog kantona od prirodnih i drugih nesreća, koja je usvojena Odlukom o Procjeni ugroženosti Unsko-sanskog kantona od prirodnih i drugih nesreća broj 03-017-1446/05 od 8.3.2005. godine (u daljnjem tekstu: Procjena ugroženosti Kantona), na nivou Kantona potrebno je formirati službe zaštite i spašavanja samo u oblastima u kojima općine, zbog nepostojanja uvjeta, ne mogu formirati te službe ili ne mogu formirati dovoljan broj tih službi.

Službe zaštite i spašavanja iz stava 1. ovog člana formiraju se u pravnim licima i u udruženjima koja ispunjavaju slijedeće uvjete:

- 1) da je njihova djelatnost ili dio djelatnosti takve vrste koja je od značaja za zaštitu i spašavanje ljudi i materijalnih dobara od prirodnih i drugih nesreća,
- 2) da imaju stručne kadrove i odgovarajuću opremu, tehnička i druga sredstva koja omogućavaju vršenje poslova iz nadležnosti službe zaštite i spašavanja,
- 3) da imaju mogućnost pružiti ispomoc službama zaštite i spašavanja koje formira općina i grad kada se naredi njihovo angažovanje na tim zadacima.

Član 3.

Službe zaštite i spašavanja predviđene ovom Uredbom namijenjene su da djeluju na području cijelog kantona, u svim slučajevima kada službe zaštite i spašavanja i jedinice i druge organizovane snage civilne zaštite općine i grada na čijem području je nastala prirodna i druga nesreća nisu dovoljne da brzo i efikasno izvrše sve zadatke na zaštiti i spašavanju ugroženih ljudi i materijalnih dobara u odnosu na poslove za koje su nadležne te službe, a u skladu sa naredbama Kantonalnog štaba civilne zaštite (u daljnjem tekstu: Kantonalni štab).

**II - PRAVNA LICA I UDRUŽENJA
GRAĐANA U KOJIMA SE ORGANIZUJU
SLUŽBE ZAŠTITE I SPAŠAVANJA****Član 4.**

Polazeći od kriterija iz člana 2. ove Uredbe, službe zaštite i spašavanja na nivou Kantona organizuju se u slijedećim pravnim licima i udruženjima, i to:

1. **Služba za medicinsku pomoć** formira se u JU "Kantonalna bolnica dr. Irfan Ljubijankić". Služba za medicinsku pomoć vrši poslove zaštite i spašavanja kada prirodna i druga nesreća izazove velike gubitke u ljudstvu s velikim brojem povrijeđenih, koje prevazilaze kapacitete lokalnih zdravstvenih ustanova. U tim slučajevima, ta služba vrši poslove koji se odnose na pružanje usluga specijalističko-konsultativne zdravstvene zaštite, koja obuhvata zdravstvene usluge u slučaju urgentnih stanja, pruža hitnu stručnu i organizovanu medicinsku pomoć povrijeđenim ili naglo oboljelim licima, vrši laboratorijsku, radiološku i drugu dijagnostiku, opskrbu

lijekovima, krvlju, krvnim komponentama, te hospitalizaciju teško oboljelih i povrijeđenih.

2. **Služba za higijensko-epidemiološku zaštitu** formira se u JU "Zavod za javno zdravstvo USK-a".

Služba za higijensko-epidemiološku zaštitu vrši poslove prikupljanja i statistički obrađuje podatke o zdravstvenom stanju na području Kantona, kontrolira, prati i analizira epidemiološku situaciju na području Kantona, predlaže i provodi protuepidemijske mjere, te nadzire provođenje obaveznih imunizacija, kontrolira higijensku ispravnost vode za piće, površinske i otpadne vode, zdravstvenu ispravnost namirnica i predmeta opće upotrebe, vrši analize i ocjenu uticaja okoliša po zdravlje ljudi i druge poslove koji izravno ugrožavaju zdravlje većeg broja lica, što na terenu prate odjeljenja higijensko-epidemiološke zaštite pri domovima zdravlja općina.

3. **Služba za zaštitu životinja i namirnica životinjskog porijekla (Veterinarska služba)** formira se u JU "Veterinarski zavod" Bihać.

Veterinarska služba vrši poslove koji se odnose na terensku i laboratorijsku dijagnostiku zaraznih, parazitnih i drugih oboljenja životinja. Prati, istražuje, unapređuje i primjenjuje metode otkrivanja, suzbijanja i prevencije zaraznih, parazitnih i drugih oboljenja životinja, planira i predlaže mjere dezinfekcije, dezinfekcije i deratizacije radi sprečavanja, širenja i suzbijanja zaraznih oboljenja životinja. Vršiti istraživanje i praćenje zaštite od zoonoza, prati, analizira i ocjenjuje uticaj okoliša na zdravstveno stanje životinja, obavlja laboratorijske pretrage proizvoda životinjskog porijekla, kao i prisustvo radioaktivnih materija na i u životinjama, mesu, mlijeku i proizvodima životinjskog porijekla, te hrani i vodi za životinje. Veterinarska služba vrši i druge poslove zaštite i spašavanja iz oblasti veterinarstva na području Kantona u saradnji sa veterinarskim stanicama.

4. **Služba za zaštitu i spašavanje na vodi i pod vodom** formira se u sklopu sportskih klubova i udruženja registriranih na području Kantona koji se bave sportovima i aktivnostima na vodi i pod vodom, koje čine: Kajak-kanu rafting klub "Kostelski buk" Bihać, Ronilački klub "Vir-Sana" Sanski Most i Ronilački klub "Slap" Bosanska Krupa.

Službe za zaštitu i spašavanje na vodi i pod vodom vrše poslove spašavanja ljudi i materijalnih dobara na vodi i pod vodom. Vršiti prevoz i evakuaciju nastradalih u poplavljenom području, vade utopljenike i vrše uklanjanje plutajućih objekata na vodi i neeksplozivnih ubojnih sredstava pod vodom, sudjeluju u saniranju akcidentnih stanja pri ekološkom onečišćenju riječnih tokova. Sve poslove zaštite i spašavanja na vodi i pod vodom službe vrše prvenstveno kada je potrebno izvršiti masovnu evakuaciju stanovništva ugroženog vodenom stihijom, prilikom pružanja specijalističke pomoći općinama kod pojedinačnih nesreća na vodi i pod vodom, na saniranju stanja prirodnih i drugih nesreća i akcidentnih ekoloških stanja izazvanih poplavama.

5. **Služba za zaštitu sa visina** formira se pri Gorskoj službi spašavanja, Stanica Bihać, registriranoj kao udruženje građana koji se bave planinarenjem i ekstremnim sportovima.

Služba za zaštitu i spašavanje sa visina vrši spašavanje stradalih i ugroženih ljudi i materijalnih dobara iz teško pristupačnih terena, podzemnih špilja, nepristupačnih kanjona, visokih zgrada i predjela zatrpanih lavinama.

6. **Služba za zaštitu bilja i biljnih proizvoda** formira se u kantonalnoj ustanovi "Poljoprivredni zavod USK-a".

Služba za zaštitu i spašavanje bilja i biljnih proizvoda vrši zaštitu svih vrsta bilja i biljnih proizvoda koja se odnosi na terensku i laboratorijsku dijagnostiku zaraznih, parazitnih i drugih štetočina i zagađivača, kao i zaštitu od radioaktivne, hemijske i biološke kontaminacije. Služba prati, istražuje, unapređuje i primjenjuje metode otkrivanja i suzbijanja zaraznih, parazitnih i drugih oboljenja bilja. Vršiti istraživanja i način zaštite od štetnih pojava štetočina i biljnih bolesti, te predlaže mjere zaštite i upotrebu preparata za zaštitu.

7. **Služba za zbrinjavanje ugroženih i stradalih** formira se u Organizaciji Crvenog križa USK-a. Služba za zbrinjavanje ugroženih i staradalih vrši prihvatanje, smještaj i obezbjeđuje ishranu stradalog i ugroženog stanovništva u slučajevima ratnih događanja i većih prirodnih i drugih nesreća kroz organizacije Crvenog križa općina.

8. **Služba za zaštitu od šumskih požara** formira se u ŠPD "Unsko-sanske šume" i Kantonalnoj upravi za šumarstvo.

Službe za zaštitu šuma od požara vrše preventivne poslove na zaštiti šuma od požara i sve druge poslove zaštite šuma od požara propisane Zakonom o šumama ("Sl. novine FBiH", broj 20/02 i 37/04) i Pravilnikom o sadržaju planova za zaštitu šuma od požara ("Sl. novine FBiH", broj 21/04).

Član 5.

Pored službi iz člana 4. ove Uredbe, Kantonalna uprava civilne zaštite (u daljnjem tekstu: Kantonalna uprava) može odrediti i druga pravna lica, udruženja građana i nevladine organizacije čija je djelatnost od značaja za zaštitu i spašavanje i s tim pravnim licima, udruženjima i organizacijama može zaključiti sporazum o načinu i uvjetima njihovog angažovanja na zadacima zaštite i spašavanja na području Kantona, koje time imaju status službe zaštite i spašavanja.

U sporazumu iz stava 1. ovog člana utvrđuju se prava i obaveze o međusobnim odnosima u angažovanju tih pravnih lica, udruženja i nevladinih organizacija na zadacima zaštite i spašavanja, kao i obaveze Kantonalne uprave prema tim pravnim licima, udruženjima i organizacijama koje se odnose na obezbjeđenje određenih finansijskih sredstava za nabavku opreme i drugih sredstava rada koja su potrebna za rad tih udruženja i organizacija na zadacima zaštite i spašavanja.

III - ZADACI NA FORMIRANJU, OPREMANJU, POPUNI I UPOTREBI SLUŽBI ZAŠTITE I SPAŠAVANJA

Član 6.

Rukovodioci pravnih lica, odnosno udruženja iz člana 4. ove Uredbe, u kojima se formiraju predviđene službe zaštite i spašavanja, u saradnji s Kantonalnom upravom vrše slijedeće poslove:

- 1) formiraju službu, određuju rukovodioca službe i broj pripadnika službe;
- 2) popunu službe vrše zaposlenicima koji se nalaze na radu u pravnom licu, odnosno članovima udruženja koji su obučeni i osposobljeni za vršenje poslova iz nadležnosti službe;
- 3) utvrđuju potrebe u opremi, tehničkim i drugim sredstvima rada koja su neophodna za rad službe zaštite i spašavanja i da preduzimaju mjere za obezbjeđenje te opreme i sredstava;
- 4) organizuju i provode obučavanje pripadnika službe za uspješno vršenje poslova zaštite i spašavanja iz nadležnosti službe;

- 5) u roku od šest mjeseci od potpisivanja ugovora iz člana 10. ove Uredbe, u obavezi su da izrade vlastite procedure rada za postupke djelovanja u slučajevima angažovanja na zadacima zaštite i spašavanja iz nadležnosti službe.

Član 7.

Službe zaštite i spašavanja iz člana 4. ove Uredbe poslove iz svoje nadležnosti vrše u fazi nastanka prirodne ili druge nesreće i u fazi otklanjanja i saniranja nastalih posljedica, a zadatke koji se odnose na preventivnu zaštitu ostvaruju u okviru obavljanja redovne djelatnosti u pravnom licu, odnosno udruženju u kojima su formirane.

Član 8.

U cilju stvaranja uvjeta da službe zaštite i spašavanja iz člana 4. ove Uredbe mogu vršiti poslove zaštite i spašavanja predviđene ovom Uredbom, Kantonalna uprava planirat će odgovarajuća sredstva u Budžetu Kantona, kao i dio sredstava iz posebne naknade za zaštitu i spašavanje koja pripadaju Kantonu prema članu 180. Zakona o zaštiti i spašavanju ljudi i materijalnih dobara od prirodnih i drugih nesreća (u daljnjem tekstu: Zakon o zaštiti i spašavanju) koja će se koristiti za nabavku opreme, tehničkih i drugih sredstava koja su neophodna za rad tih službi i za obučavanje i osposobljavanje njihovih članova koji obavljaju poslove iz nadležnosti službe zaštite i spašavanja.

Finansijska sredstva iz stava 1. ovog člana obezbjeđuju se samo za finansiranje onog dijela aktivnosti službi zaštite i spašavanja koje će one vršiti kao dio dodatne djelatnosti koja se odnosi na zaštitu i spašavanje ljudi i materijalnih dobara od prirodnih i drugih nesreća, koji su ovom Uredbom i ugovorom iz člana 10. ove Uredbe stavljeni u nadležnost tih službi.

Raspodjelu sredstava iz stava 1. ovog člana na pojedine službe zaštite i spašavanja, s podacima o vrsti i količini sredstava koja treba nabaviti vrši Kantonalna uprava na zahtjev organa i pravnih lica iz člana 4. ove Uredbe, a u okviru zadataka iz stava 2. ovog člana i u skladu s godišnjim programom razvoja, godišnjim finansijskim planom i godišnjim programom rada tih službi.

Član 9.

Pravna lica i udruženja iz člana 4. ove Uredbe u kojima su formirane službe zaštite i spašavanja, opremu i tehnička sredstva nabavljena iz sredstava član 8. ove Uredbe mogu koristiti za obavljanje svoje redovne djelatnosti, s tim da su dužni

obezbjediti efikasno funkcionisanje službi zaštite i spašavanja kada se naredi njihovo angažovanje, što se bliže uređuje ugovorom iz člana 10. ove Uredbe.

Član 10.

Kantonalna uprava će s pravnim licima i udruženjima iz člana 4. ove Uredbe zaključiti ugovor o međusobnim pravima i obavezama i utvrditi konkretne zadatke službi u pitanjima zaštite i spašavanja ljudi i materijalnih dobara od prirodnih i drugih nesreća, kao i način djelovanja službi kada Kantonalni štab donese naredbu o njihovom angažovanju na zadacima zaštite i spašavanja na području Kantona.

Zaključivanje ugovora iz stava 1. ovog člana vrši se onda kada Kantonalna uprava utvrdi da je pravno lice, odnosno udruženje, ispunilo uvjete iz člana 6. ove Uredbe, a pravno lice i udruženje koje ne ispuni te uvjete nema status službe zaštite i spašavanja.

Član 11.

Upotrebu službi zaštite i spašavanja iz člana 4. ove Uredbe na zadacima zaštite i spašavanja u uvjetima iz člana 7. ove Uredbe, te vrijeme i mjesto za njihovo djelovanje na području Kantona, naređuje Kantonalni štab, samoinicijativno ili na prijedlog Kantonalne uprave.

Kada Štab iz stava 1. ovog člana naredi angažovanje službi zaštite i spašavanja, rukovodioci pravnih lica i udruženja građana iz člana 4. ove Uredbe, u kojima su formirane službe zaštite i spašavanja, dužni su preduzeti sve potrebne mjere kojima će obezbijediti da službe pravovremeno dođu na mjesto određeno naredbom Štaba i da mogu vršiti zadatke iz svoje nadležnosti.

Izuzetno, u hitnim slučajevima, kada ne postoji mogućnost da se u što kraćem roku održi sjednica Kantonalnog štaba, angažovanje službi zaštite i spašavanja iz člana 4. ove Uredbe može da naredi komandant, odnosno načelnik Kantonalnog štaba, ako je komandant odsutan, o čemu je dužan blagovremeno obavijestiti komandanta tog štaba.

Službe zaštite i spašavanja iz člana 4. ove Uredbe angažuju se onda kada Vlada Kantona proglasi nastanak prirodne ili druge nesreće na području Kantona, a izuzetno, angažovanje tih službi može se izvršiti i prije proglašenja prirodne ili druge nesreće u slučaju kada prijete neposredna opasnost od nastanka prirodne i druge nesreće u cilju preduzimanja odgovarajućih mjera na sprečavanju nastanka te opasnosti ili nesreće ili ublažavanja njihovog djelovanja.

Član 12.

Kantonalna uprava preduzimat će odgovarajuće aktivnosti na formiranje službi zaštite i spašavanja iz člana 4. ove Uredbe, njihovoj popuni ljudstvom i materijalno-tehničkim sredstvima, obučavanju i stručnom osposobljavanju i u tim pitanjima pružati odgovarajuću stručnu i drugu pomoć i starati se da službe budu osposobljene za vršenje zadataka za koje su formirane, a pravna lica i udruženja građana iz člana 4. ove Uredbe dužna su postupiti po zahtjevima Kantonalne uprave.

IV - FORMIRANJE SLUŽBI ZAŠTITE I SPAŠAVANJA U GRADU I OPĆINAMA

Član 13.

U skladu sa odredbom člana 123. stav 3. Zakona o zaštiti i spašavanju, općinski načelnik–gradonačelnik svojim aktom formira službe zaštite i spašavanja na prijedlog općinske službe civilne zaštite, koja će djelovati na području općine – grada.

Formiranje službi zaštite i spašavanja iz stava 1. ovog člana vrši se u skladu s potrebama koje su utvrđene u procjeni ugroženosti područja općine od prirodnih i drugih nesreća, kadrovskim i materijalnim uvjetima kojima raspolažu pravna lica i udruženja u kojima se formiraju te službe.

Član 14.

Službe zaštite i spašavanja općine mogu se formirati i u pravnim licima i udruženjima iz člana 4. ove Uredbe ako u tim pravnim licima i udruženjima postoje uvjeti za formiranje službi, s tim da se ne smije dovesti u pitanje organizacija i rad službe zaštite i spašavanja iz člana 4. ove Uredbe.

Član 15.

U općim aktima općinskog načelnika kojima se formiraju službe zaštite i spašavanja općine analogno se uređuju pitanja iz čl. 6. do 12. ove Uredbe.

V - PRIJELAZNE I ZAVRŠNE ODREDBE

Član 16.

Službe zaštite i spašavanja iz člana 4. ove Uredbe formirat će se u roku od tri mjeseca od dana stupanja na snagu ove Uredbe.

Član 17.

Kantonalna uprava dužna je pružiti odgovarajuću stručnu pomoć službama civilne zaštite općina na pravilnom i blagovremenom formiranju službi zaštite i spašavanja općine i grada iz čl. 13. i 14. ove Uredbe.

235.

Općinski sud u Velikoj Kladuši po sutkinji Jahjefendić Samiri u pravnoj stvari tužitelja Ćatić Ismeta sina Hašima iz Marjanovca 63, Velika Kladuša, zastupanog po punomoćniku advokatu Azizu Adilagiću iz Velike Kladuše, protiv tuženih: 1. Ćatić rođ. Pilipović (NN) Hata iz Male Kladuše, 2. Purić (Husein) Salih iz Todorova b.b., 3. Duraković (NN) Ahmet iz Bužima, Lubarda b.b., 4. Duraković rođ. Mahmutović (NN) Naza iz Bužima, Lubarda b.b., 5. Ćatić rođ. Harambašić (NN) Fata iz Male Kladuše b.b., 6. Purić (Husein) Mehmed iz Todorova, 7. Ćatić (Alija) Muharem iz Male Kladuše, 8. Ćatić (Alija) Omer iz Male Kladuše, tuženi od 1 do 7 sada nepoznati i nepoznatog boravišta, radi utvrđenja vlasništva dosjelošću, VSP 1000,00 KM, dana 3.4.2007. godine izdao je slijedeći

OGLAS**O POSTAVLJANJU PRIVREMENOG
ZASTUPNIKA**

Rješenjem ovog suda broj 023-0-P-07-000 123 od 3.4.2007. godine, a na osnovu člana 296. stav 2. tačka 4. Zakona o parničnom postupku, u pravnoj stvari po tužbi tužitelja, radi utvrđenja vlasništva, tuženima od 1 do 7 postavljen je privremeni zastupnik u osobi tuženog pod rednim brojem 8. Ćatić (Alija) Omer iz Male Kladuše b.b., Velika Kladuša.

Istim rješenjem određeno je da će privremeni zastupnik zastupati tužene u postupku sve dok se tuženi ili njihov punomoćnik ne pojavi pred sudom, odnosno dok organ starateljstva ne obavijesti sud da je tuženima postavio staraoca.

Broj 023-0-P-07-000 123
9. aprila 2007. godine
Velika Kladuša

Sutkinja
Samira Jahjefendić

S A D R Ź A J

211. Odluka broj 01-02-3-49/07	461	229. Odluka o korištenju sredstava posebne naknade za prevenciju bruceloze na području Unsko - sanskog kantona	475
212. Odluka o raspoređivanju sredstava iz Budžeta Kantona, razdjel 18, ekonomski kod 821600 - "Rekonstrukcija i investiciono održavanje škola"	461	230. Odluka o rasporedu donacije neplanirane Budžetom Unsko-sanskog kantona za 2007. godinu	476
213. Odluka broj 01-02-3-51/07	464	231. Odluka o rasporedu donacije neplanirane Budžetom Unsko-sanskog kantona za 2007. godinu	476
214. Odluka o raspodjeli finansijskih sredstava za rad poslaničkih grupa u Skupštini Unsko-sanskog kantona	465	232. Zaključak o sazivanju Skupštine "Žitoprerade" d.d. Bihać	477
215. Odluka o davanju saglasnosti na Odluku o raspodjeli dobiti u ŠPD "Unsko-sanske šume" d.o.o. Bos. Krupa u periodu 1.1.2006-31.12.2006. godina	465	233. Rješenje broj 03-017-72/2007	477
216 - 226. Zaključci	466	234. Rješenje o postavljenju Kantonalnog štaba civilne zaštite	478
227. Uredba o načinu organizovanja službi zaštite i spašavanja Unsko-sanskog kantona	470	235. Oglas o postavljanju privremenog zastupnika	479
228. Odluka o prihvatanju Programa utroška sredstava kapitalnih grantova predviđenih Budžetom Unsko-sanskog kantona za 2007. godinu Kantonalnog ministarstva za pitanja boraca i RVI	474		

OBAVJEŠTENJE

Obavještavamo pravna i fizička lica, dosadašnje pretplatnike, kao i lica koja žele da se pretplate za "Službeni glasnik Unsko-sanskog kantona" za ovu i narednu godinu, da godišnja pretplata iznosi 200,00 KM sa porezom, a može se izvršiti na račun broj 1290079402494455 u korist Budžeta USK-a, vrsta prihoda 722631, budžetska organizacija 2101001, identifikacijski broj 4263249630000.